

不屑誓欲獻俘恨不絕赤肝何妨刃上血妻
情子意一朝訣富貴功名何足說視死如歸
還自陞精英烈烈如虹蜺九重聞之亦悲切
褒襲聯翩光琳瑯祠成雲日覆亭案億萬千
年留芳轍我思忠義心如結俎豆堂前存一碣

李惟桓督糧道

間嘗遐覽讀忠臣義士之文涉歷名山景古
烈前貞之蹟莫不燐燐炳炳流譽來茲而戊
子逆姜之變所在或鼠伏投降或棄城遠遁
未有如 諸公之慷慨激烈以至碎首穴胸
而不顧者古之名良何以加焉恭值

撫大司馬劉

建祠盛典一時同事諸

公皆有賡和謬附七言用誌不朽云

并郊何事荏苒橫殉難諸臣奕世榮貞魄豈
隨汾水去芳聲應載汗青評凌烟圖繪非爲
侈銅柱標書誰與京安得長
毫寫忠譜凭欄眺盡半山泓

田起龍分守道

憶昔姜逆叛亂草木零落雲晉一帶半被殘
戮兀我受

命王事者切齒奮恨誓欲爲除害安民計耳彼
時民驚風鶴未及賊至先已密相勾引卽深

溝峻壘料不能一時恃也諸君子傾心爲

國獨力難支求援不得何以固疆圉而保土地

也顧有城破血刃而死被縛賊營抗志全節

而死囚圜獄禁罵賊不已而死更奮勇疆場

死戰不屈碎屍斷頸而死者嗟嗟文義武烈

特邀 聖主嘉其褒封慨念亦同舟共險得

無臨淵涉水之咨聊抒一叙

香煙靄靄透晴空爲國忠良淚日紅大星臺
下青松長寒後乃知血漢功誓欲共謀滅氛
寇一籌將展命已終可羨諸君擎天志一時
勒石千載轟命世仁傑實可誇只怕臨時會

頭差自把一心掣得住生死榮辱四季花留
下芳名人世上不必展轉戀身家廟謨肯念

白刃苦甘心
赴義染黃沙

余應魁鴈平道

祝思信驛傳道全題

三晉無端戎馬生跳梁小醜思從橫露布塵
飛乞廟畧 王師推轂下雲并簡書分憲督

轉輸磨磨狂悖起須臾丈夫仗義赴前驅何
肯貪生圖覬覦冀南寧武暨名源三公奮節

堅屏藩惟憐附掖驚未備敵攘舟中豈及援
孤城日暮鬼神泣桴鼓警聲天地霽隆德河

汾太守賢背城死戰心爲誓西北籠晶副黃
堂白練從容縊頭亡君子軍殉光王潔尤羨

趕趕鉄膽即矢面挺身真烈士斷頭弗渝冰
霜志柱礎當年堪紀勳 天子旌書褒不次

臺灣國家圖書館, NATIONAL CENTRAL LIBRARY, TAIPEI

慷慨矢心惟禦侮捐軀罔顧期酬主貞筠直
氣未可靡勁草凌風安得俯廟貌齊雲層巒
舞暈飛燭影耀千古綿綿血食永無疆允矣
乃文與乃武

熊惟傑巡寧道

閭浮世界自寥寥屈指貞忠獨不凋百年
榮辱等沱影大義成時在一朝丈夫有心
羞懷二國士死知天日昭漫道古人今不
若諸公殉烈何孤標憶昔姜禍起三雲逆
顏騷動徂行汾可憐風鶴于餘里盤燭影
眇空逐氛亦有經生譚月露到頭不能固
夕昕始知勁草疾風裏堅脆乃從患難分
三關入郡幾文武居然方叔與召虎戰守
斷絕骨肉恩期效
朝廷一肱股有死無書附六親頭顱不惜爲守
土豺狼折服竟霽威詈賊聲騰驚桴鼓富貴
真看作糠粃溝壑光芒勝羅綺一刻未頽印

且雄英魂如聞呼庚癸琴鶴留對宿草間肝
腸披瀝封疆壘膚功既奏煥旌綸五色

褒書註彤珥開國凌煙首晉忠朝禁相傳

此數翁世勲天子獨不惜忍教陰晴泣黍

蓬中丞司馬劉夫子分俸化材額共宮

藩臬舟同義迫切祝君鳩成慮無窮叁余登

堂徒抱愧哭忠念故惟有淚緬我平李待罪

時告我旦兮呼我寐公還碧清友嵇嚴白骨

如米心如熾君不見悠悠自古皆有死只是

忠臣壽姓字

張四教督學道

戊子冬蠢逆不道一望頽屣秀容諸境賊已

及膚時文臣武士奮勇激烈雖力不能支猶

罵賊不絕口今

聖天子特嘉贈廕崇祀不朽以旌忠也敬附一

言聊誌景從

極數逢陽九孤忠問再生欲求折首事豈以
喪元輕迄今敵舌香尚有血塗聲正氣當復
歌丹青垂永貞上與乾坤老高懸日月名薦
馨崇歲祀陰力護平成忠魂聞陰房慘動閔
天黑留丹白骨香噴血青史勒千秋未有改
大武與文德酬知報 聖明死亦殲逆賊高
名著天壤奕 世佩臣則

曹時舉知府

慷慨英風久寂寥千秋義勇萃興朝雖遭劍
缺塵埋日却得名完氣吐霄血恨難磨燐火
沸忠魂長共野雲繚累尸自愜男兒志風節
于人奕葉標

任有剛同知

逆姜之變晉文武將吏仗節死義者指不勝

屈中丞大人下車既削平寇亂爰謀于藩臬

諸公為祠而尸祝之祠成各賦挽章下吏不

文竊志續貂

雲中十萬起妖氛晉地山河白日昏四方牛
犢化刀劍千里原平列陣雲陣雲輦鼓震天
鳴大邑小邑無堅城邊關戍卒奮臂起群引
小醜歛血盟戍卒小醜偏袒呼道將率爾為
所俘丈夫一身誓許國忍令名節委于塗太
原兵巡氣食牛投鞭欲斷滹沱流原平壯烈
神鬼泣千秋再見嚴江州南風不競北風強
平水河西望風降共看百姓靡如草誰憐長

更勤如剛長吏報國難命薄照眼并刀霜鏡
落死孝死忠臣子誰豈為垂名圖麟閣
天威赫怒海甸均特簡中丞蕩醒倫生者存
恤死者安痛念諸公作游魂爰命匠石鳩土
木為祠以祭爰爾神爾神和豫悅且康黍稷
明德並馨香我來俯伏拜祠下飲公英節凜
冰霜鳴乎山可泐兮海可竭諸公正氣揭日
月誰云聲教百世風直與天地長不滅

王胤祚推官

朔方風動烽火震驚雲屯霧集草木皆兵厥
有忠義間氣獨鍾志吞鯨鯨疾視青萍豈意
厦頽棟梁摧折為睢陽齒為常山舌千古英
賢同欽激烈廟貌維新臨風泣血

劉光漢知縣

侯節婦詩

嘆彼女貞鐵柯英英霜雪風饑獨以潔鳴率
諸淑婦允敬其躬巖巖山立凜烈無窮兀木
荏苒經冬凋零聲王鐸孟津人
實鞞鞞天壤長亨

宿虹巢讀青主壁詩有懷步韻

今又是何夕孤烟淡遠村虹巢驚客到汾水
隔牕聞樹杪龍蛇影苔斑篆籀文懷君迷望
眼風月魏一鰲
與誰分布直舉人

文水署中

年年飄泊嘆秋蓬榮辱何嘗得失弓造化小
兒無定據糟丘老子悟真空也知白眼風塵
外其奈蒼生水火中但使前
時歌樂利何須千載仰真鴻人

順治戊子秋季闈校歸過陽武峪寺和范

伊壁間韻

共此窮邊吏
凄凄蕭寺經
嶺頭沙意白
樹杪葉剛青
趨鴈南來字
寒砧北地鈴
浮漚今已徹
寗影醉禪馨
馬雲舉
崑山人河曲知縣

壬辰秋再過禱亭次壁間韻以闢其說

泥塗到此欲兼程
雲淡西風四壁平
漳浦環流煙樹合
禱亭曉霧蟬蛩鳴
要呼夢覺關頭地
滂認皮毛悞半生
底事不如此
心上悟萬年
仙果個中清
張四教

松栢詞

昔喜報國寺內松
今愛宗善叢中栢
往稱松栢耐歲寒
窮通變火備三易
自從今茲潮前

代撫者成兮
虛者敗何至
晉栢同燕松
陰陽不忍刀鋸
壞達者願從
赤松遊烈婦
曾矢栢舟節
朝暮偶變不
見身世俗且
嘉義且哲兩地恒餘千載
廢天者其貌
堅者幹介如
石焉矯若龍美
則相傳願相
伴由來一物
受人愛百用力
爭萬筭取金
陵城內紫金
山濯濯空羨長江古
我觀此物有
神護柔枝那
得食其福東山
梁木不聞頽
自北自南服
松耶栢耶有同
歌未仁非責
管氏苛倘爾智
不知後凋仲
子寧猶鮑叔
摩

雷游江南人

陟屺歌

陟彼臺兮
幽懷陟勃
凄凄覲面
怒焉魂絕
廻遡當年
芳徽難述
克孝舅姑
栢夫有則
親操并曰
糟糠帶薄
泰山頽矣
欣汎姜舟
念茲藐孤
經幾周折
茹苦如飴
三十年餘
生而養之

養而教之教而成之哀此勛勞昊天罔極藐
孤固在母焉往哉酌彼清泉貞魂轟烈在天
日星在地河岳凜凜至氣偉哉巾幗慚爾匪
躬實忝母節鬱鬱苦心唯母鑒白母重瞿曇
敢怡沼樹成母之志招提是作深院月沉寒
林風冢憑臺一眺泉聲如沸冉冉若親幽明
隔隔冥陌悠悠此神安宅佛如有靈早登正
覺寧忘永思空懷存澤語固失倫聊紓吾戚
承風君子
願燦珥筆

裴希度 陽曲人 廣西道御史

風木軒四咏

承恩門外鼓聲頻 雉堞無靈封豕屯 化碧丹
心煖腐草燼灰赤 社黍寒煙衣冠半作清流
客棘木空餘暮夜燐 每過林
阜魂欲黯鳥啼花謝幾沉淪
坐石觀雲悶寂憐 秋風颯颯鎖崆峒 松枝滴
露珠含綠泉瀉流霞氣吐紅 燦燦發光輝

北 離離貞怨塞 離東精爽應
白 離消歇特送 離聲到碧瀟
策 筱徐來禮佛陀 故園風景竟如何 穿林月
色 迥幽夢曲徑蒼苔映碧波 閣上芳名垂奕
葉 井中環珮勝鳴珂 魚王已
示 四來意幸得姜舟渡彼河
梵 土宮殿倚雲開 遠眺青山入望來 含雨天
花 雨宿姑飄風貝葉散新緞 喬松老勁家非
舊 祠宇空陳人未迴 寄語緇
流 須着力好將遺懺起餘灰

前人


崙州 五年七月暴水將東關磚堡衝毀一面

斗米四錢死屍枕籍流移載道

嵐縣 八年天降火燒毀民房二十餘間○九年

定襄縣 順治四年飛蝗從西北來蔽日禾黍盡

食是歲民饑流亡枕籍知縣張允炫於七年到任盡心招撫迄可小康○七年滹沱河水溢將小羊房村北關等地淤浸民皆流離



災祥

劉向曰和氣致祥乖氣致異匡衡曰事作乎下象應乎上是知王人感召何代茂有

國家平一字內芟夷小醜數年來兵事不休以故水旱蝗蝻瀕歲日告予以窺天心之仁愛者至矣書云王者惟歲卿士惟月師尹惟日則脩政脩德脩教以昭禳凡此皆與有責焉謹志之以備觀省而垂鑒戒

陽曲縣三年五月朔日蝕晝晦 七年十一月朔日蝕如之○五年太白經天○六年

飛蝗蔽日郡邑皆一月之○九年夏水雹大如
鷄卵郡邑皆有之

太原縣 五年夏大水滄毀田苗過半

祁縣 二年地震三次○三年蝗傷稼○四年夏
飛蝗蔽日○五年大水傷禾○八年王都

村王正妻孫氏一產二男一女○九年水雹
傷麥淫雨四十餘日田苗滄沒民舍漂毀

文水縣 二年六月飛蝗遍野○五年大水傷禾
六年至四月不雨五月二十七日晚

田大熟

河曲縣 五年元日天鼓鳴自西往東

平定州 五年淫雨四十日不止平地盈丈百姓
巢居烟火欲斷○七年產麒麟

淳縣 八年五月大雹傷稼

砲取太原

順治元年九月十三日 王師次太原偽文
水 御陳永福遣群賊四出搜野為固守計時
西 洋神砲未至姑息士馬以待十月三日砲
至 齊集西北角攻打永福勒馬城頭方指揮
守 禦不移時城垣立毀十餘丈 王師擁上
永 福乘馬奪東門去大都督 孟公下令兵
集 城頭不得擅入民舍城中秋毫無有犯焉

姜逆煽亂

順治五年戊子雲中姜壤叛明年正月巡寧
道 王公飛輓北上道出原平行者不戒歿于
賊 時三晉艸寇轉相煽惑驅逐長令賈降恐
後 忻守劉德炎棄城走襄尹暢悅賈印逆賊
大 中丞 祝公捕斬二人羊之藁街繼委陽
曲 主簿何顯祖署忻事何至復被殺太原一
郡 全城自守者惟榆次平定樂平太原等縣

孟 巴

花塔破寇

初原平之役王公死太原叅將賈恩降偽撫
 姜建勳乘勝南下忻地大亂州守劉德炎遂
 棄城走建勳入據州城太原土著兵無幾保
 會城不敢為進取計適滿兵數百人從西安
 至中丞祝公及藩臬諸司出重貲勞之求
 北援遂至忻戰牧河上賊敗夜遁三月建勳
 復由靜樂西山後下取汾州五月由汾而上
 抵太原縣攻縣城未下時端重王率重兵
 自大同南援聞縣城被圍奪食而行遇賊赤
 橋花塔間大戰賊敗保晉祠堡王師圍五
 日賊乏草潰堡門出復被殺餘賊還汾
 王師進之

收復郡邑

王師進次汾州建勳知不支縊死南城樓餘賊
 潰散如文水徐溝祁縣清源數十州縣盡收
 復太谷不下移師攻之保德為牛賊所據負
 險難攻明年大集兵圍數月賊殺其主將降
 太原平

晉殿灰燼

晉藩殿宇宮闈宏麗冠諸藩逆闖破省入內
 首索金帛驅宮女已而掠王北去珍物圖書
 玩好凡歷世所蓄湯然四出稍為奸民所得
 而毀裂焚棄已十之六七後為陳永福所據
 其左右亦多攘竊有以寶賢堂集古石刻斷
 砌馬槽者○清兵至王永福遁督撫馬公禁閑
 雜不得入府方伯陸公封局曉示丙戌四月
 十二日夜不知火從何起烈焰燭天俱成五
 色比日出自內城至公門大殿東西齋殿靈
 壽等宮盡被焚燬飛灰蔽野煙燼逾月始息
 嗣後祇為過兵休宿之所或屯貯草豆

地蔣植蔬菜禾黍以守舊趾惟餘糞壤瓦礫
駁草時禽無復昔之華故矣傳曰人火曰火
天火曰災晉藩之天與人當必有職之者



臺灣國家圖書館, NATIONAL CENTRAL LIBRARY, TAIWAN, R.O.C.

